

## НИЙСЛЭЛИЙН БИЕИЙН ТАМИР, СПОРТЫН ГАЗАР

### 2022 ОНЫ ГАДААД АРГА ХЭМЖЭЭНИЙ ДЭЛГЭРЭНГҮЙ ТАЙЛАН

2022 оны 12 дугаар сарын 10

Улаанбаатар хот

Байгууллагын 2022 онд биеийн тамир, спортын гадаад харилцаа, хамтын ажиллагааг өргөжүүлэх төлөвлөгөөний дагуу 12 дугаар сарын 09-ний байдлаар 9-н арга хэмжээ зохион байгуулж 768 хүн оролцуулсан. Үүнд:

Япон улсын Токио хотын захиргаа болон Токио хотын Жүдо бөхийн холбоотой Японоос жүдо бөхийн багш илгээж сургалт явуулах төслийг Улаанбаатар хотноо 2023 оны 03 дугаар сард багтаан хэрэгжүүлэхээр тохиролцоод байна.

Нийслэлийн Засаг даргын нэрэмжит ЕБС-ийн 2021-2022 оны хичээлийн жилийн “Улаанбаатар лиг” сагсан бөмбөгийн тэмцээн зохион байгуулахтай холбоотойгоор ОХУ-ын “Кэс-Баскет” төрийн бус байгууллагын Бүс хариуцсан менежер М.Михайлтай хамтран ажиллаж, гэрээний дагуу олгох шагналын эд зүйлсийг хүлээн авч ахлах насны шигшээ тэмцээнд оролцогчид, шагналт байранд шалгарсан тамирчдыг шагнаж урамшуулсан.

“Улаанбаатар Марафон-2022” олон улсын гүйлтэд оролцох тухай албан бичиг, урилга, зааврыг бэлтгэн, НЗДТГ-ын ГХХАХ-ээр дамжуулан Монгол Улсад байдаг Элчин сайдын яам, дипломат байгууллага, төлөөлөгчийн газруудад хүргүүлж, 27 орны 150 тамирчин оролцсон.

### **“АЗИЙН ӨСВӨРИЙН ЗАЛУУЧУУДЫН СПОРТЫН НААДАМ - 2022” АРГА ХЭМЖЭЭ**

Япон улсын Токио хотноо 2022 оны 09 дүгээр сарын 14-21-ний хооронд зохион байгуулагдсан “Азийн өсвөрийн залуучуудын спортын наадам - 2022” арга хэмжээнд бадминтон, пара бадминтон, ширээний тенис, пара ширээний тенисний баг тамирчдын багийн ахлагчаар Захиргаа, төлөвлөлт, санхүүгийн хэлтсийн дарга С.Саранцэцэг томилогдон оролцлоо.

Япон улсын Токио хотын Захиргаа, Токио хотын Спортын корпораци, Токиогийн Бадминтоны холбоо, Токиогийн Ширээний тенисний холбоо хамтран 2022 оны 09 дүгээр сарын 14-21-ний хооронд зохион байгуулсан “Азийн өсвөрийн залуучуудын спортын наадам - 2022” арга хэмжээнд Нийслэлийн Засаг даргын Тамгын газрын дарга И.Баатархүүгээр ахлуулсан нийслэлийн 24 хүний бүрэлдэхүүнтэй бадминтон, пара бадминтон, ширээний тенис, пара ширээний тенисний баг тамирчид амжилттай оролцсон.



Тус наадамд 8 улсын Дели, Хонг Конг, Жакарта, Куала Лумпур, Манила, Сингапур, Улаанбаатар, Янгон, Ивэйт, Фукушима, Ибараки, Токио зэрэг хотуудын энгийн 138 тамирчин, пара 36 тамирчин өрсөлдсөн. Монголын Ширээний тенисний холбоо, Монголын Бадминтон сонирхогчдын холбоотой хамтран тухайн төрлийн улсын аваргын шилдэг тамирчин, дасгалжуулагчийг сонгон зааврын дагуу Монгол улсын нийслэл Улаанбаатар хотоос оролцсон 15-аас доош насны баг тамирчдын бүрэлдэхүүн бадминтоны эрэгтэй 3 тамирчин 1 дасгалжуулагчтай, эмэгтэй 3 тамирчин 1 дасгалжуулагчтай, пара бадминтоны эрэгтэй 1, эмэгтэй 1 тамирчин, 1 дасгалжуулагч, 1 багийн ахлагч; ширээний тенисний эрэгтэй 3 тамирчин 1 дасгалжуулагчтай, эмэгтэй 3 тамирчин 1 дасгалжуулагчтай, пара ширээний тенисний эрэгтэй 1, эмэгтэй 1 тамирчин, 1 дасгалжуулагч, 1 багийн ахлагчтайгаар багаа бүрдүүлсэн.



Пара бадминтоны SU5 ангилалд оролцсон Н.Төгсбат хүрэл медаль, SL4 ангилалд оролцсон Б.Батням мөнгөн медаль тус тус хүртсэн. Өсвөрийн тамирчдын хувьд зоонд тойргийн тогтолтууд хийж 2 хожил аван 8 улс 13 хотын багаас 11 дүгээр байранд шалгарсан.

Ширээний тенисний тэмцээнд 7 улсын нийслэл, Япон улсын 5 хот нийт 12 баг өрсөлдсөнөөс Монгол улсын баг 2 хожигдол 3 хожилтойгоор тухайн тэмцээний 9-р байранд шалгарсан амжилт үзүүлсэн. Спортын дөрвөн төрлийн тэмцээнээс гадна тусгай хөтөлбөрийн дагуу дунд сургуулийн үйл ажиллагаа, Токио хоттой танилцах зэрэг арга хэмжээнд оролцсон. Энэхүү наадамд Нийслэлийн Биеийн тамир, спортын газрын даргын 2022 оны A/28 дугаар тушаалаар Захиргаа, төлөвлөлт, санхүүгийн хэлтсийн дарга С.Саранцэцэг багийн ахлагчаар оролцож, 1,875,133.6 төгрөг зарцуулсан.

## ASFAA ХОЛБООНЫ ЗОХИОН БАЙГУУЛАГДСАН XVI ИХ ХУРАЛ

Бүгд Найрамдах Солонгос Улсын Бусан хотноо 2022 оны 10 дугаар сарын 19-22-нд нийтийн биеийн тамир, спортын байгууллагудыг эгнээндээ нэгтгэдэг олон улсын ASFAA холбооны зохион байгуулагдсан XVI их хуралд байгууллагын дарга Ж.Ганболд оролцсон.



### **“СУН ХҮОНГ МИН ОЛОН УЛСЫН ХҮҮХЭД ЗАЛУУСЫН НАЙРАМДАЛТ ХӨЛ БӨМБӨГИЙН ТЭМЦЭЭН**

БНСУ-ын Чүнчонь хотноо 2022 оны 06 дугаар сарын 07-12-ны өдрүүдэд зохион байгуулагдсан 6-н орны 12 хүртэлх насны хүүхдүүдийн “Сун Хүнг Мин олон улсын хүүхэд залуусын найрамдалт хөл бөмбөгийн тэмцээн”-д 14 хүний бүрэлдэхүүнтэй баг тамирчдыг оролцуулсан.



### **“УЛААНБААТАР ИХ ДУУЛГА-2022” ТЭМЦЭЭН**

“Монголын Жүдо бөхийн холбоо Олон улсын жүдо бөхийн холбоо /IJF/-ны дэлхийн цуврал болох “Парис-2024” зуны олимпын наадмын эрхийн оноо олгох “Улаанбаатар их дуулга-2022” тэмцээнийг 06 дугаар сарын 24-26-нд зохион байгуулж 30 орны 355 тамирчин хамрагдсан.

## “УЛААНБААТАР-СӨҮЛ” ЖУДО БӨХИЙН ӨСВӨРИЙН ШИГШЭЭ БАГУУДЫН УУЛЗАЛТ, ХАМТАРСАН БЭЛТГЭЛ, ТЭМЦЭЭН

Нийслэлийн Засаг даргын 2022 оны 10 дугаар сарын 11-ний өдрийн А/1318 дугаар захирамжаар Нийслэл Улаанбаатар хотын 383 жилийн ойг уттан “Улаанбаатар-Сөүл” жудо бөхийн өсвөрийн шигшээ багуудын уулзалт, хамтарсан бэлтгэл, тэмцээнийг 2022 оны 10 дугаар сарын 08-12-ны өдрүүдэд зохион байгуулж 8 багийн 100 гаруй багш, дасгалжуулагч, тамирчид оролцсоноор Нийслэлийн Биеийн тамир, спортын газар болон БНСУ-ын Сөүл хотын Жүдо бөхийн холбооны удирдлагуудын хооронд биеийн тамир, спортын чиглэлээр хамтын ажиллагаатай байх, харилцан туршлага солилцох талаар 2019 онд байгуулсан “Санамж бичиг” хэрэгжсэн.

Нийслэлийн Засаг даргын 2022 оны 10 дугаар сарын 11-ний өдрийн А/1318 дугаар захирамжаар Нийслэл Улаанбаатар хотын 383 жилийн ойг уттан “Улаанбаатар-Сөүл” хотын жудо бөхийн өсвөрийн шигшээ багуудын уулзалт, хамтарсан бэлтгэл, тэмцээнийг 2022 оны 10 дугаар сарын 08-12-ны өдрүүдэд зохион байгуулсан. Энэ удаагийн нөхөрсөг уулзалт тэмцээнийг 55, 60, 66, 73, 81, 90, 100, +100 кг-ийн жинд зохион байгуулж, Монгол Улсын нийслэл Улаанбаатар хотоос “Мон-Алтиус” ахлах сургууль, Монголын Жүдо академи, “Алтайн хүчтэн” клуб, Баянзүрх дүүргийн “Женко” клуб, “Тэмүүжин” клуб, “Арслан” клуб зэрэг 6 баг, БНСУ-ын Сөүл хотоос Посунг ахлах сургуулийн нэг баг, ОХУ-ын Якутск хотын Олимпийн сургууль болон Улаан-Үд хотын Старчи клубын багш дасгалжуулагч, тамирчин нийт 100 гаруй баг тамирчид оролцсоноороо өмнөх оныхоос онцлог болсон. Нийслэлийн Засаг даргын 2022 оны А/1318 дугаар захирамж, Нийслэлийн Биеийн тамир, спортын газрын даргын 2022 оны А/37 дугаар тушаалаар 15,448,000 төгрөг зарцуулсан.

